

Budžet Grada Mostara treba usvojiti što prije



Izborom Ljube Bešlića na poziciju gradonačelnika Mostara stvoreni su uslovi da do 24. decembra bude usvojen budžet Grada Mostara za 2009. godinu.

Prema izmijenjenom Statutu, gradonačelnik Mostara predlaže gradski budžet za 2009. godinu i Odluku o izvršenju gradskog budžeta za 2009. godinu u roku od tri dana nakon izbora na poziciju gradonačelnika. U roku od tri dana, nakon što gradonačelnik predloži budžet, predsjedavajući Gradskog vijeća saziva sjednicu na kojoj će biti razmatrano usvajanje budžeta za 2009. godinu.

Prema Odluci visokog predstavnika, sve političke stranke zastupljene u Gradskom vijeću dužne su osigurati da njihovi vijećnici u Gradskom vijeću prisustvuju i aktivno učestvuju u radu na sjednici kako bi razmotrili usvajanje budžeta.

OHR konstatira da će gradonačelnik, ukoliko Gradsko vijeće ne usvoji gradski budžet za 2009. godinu na ovoj sjednici, nakon razmatranja primjedbi koje su spriječile Gradsko vijeće da usvoji budžet, iskoristiti svoj pravni prerogativ i proglasiti budžet usvojenim u skladu sa članom 18, stav 3 Zakona o osnovama lokalne samouprave u Federaciji Bosne i Hercegovine.

OHR očekuje da će se u roku od šest dana legitimna očekivanja građana Mostara početi konačno rješavati.